



საქართველოს კომუნიკაციების ეროვნული კომისია

გადაწყვეტილება

N გ-19-13/325
23/05/2019

325-შ-19-1-4-201905231215



შპს „სტერეო +“ - სთვის დამხმარე ტექნოლოგიური დანიშნულებით გამოყენებისთვის რადიოსარელეო სიხშირეებით სარგებლობის უფლების მინიჭების შესახებ

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ შპს „სტერეო+“-მა კომისიას მიმართა განცხადებით (შემოსული №შ-7/6591-18, 13.12.18), კომისიის 2008 წლის 29 დეკემბრის №749/13 გადაწყვეტილებით ქ.თბილისში არაკომერციული მიზნით და დამხმარე ტექნოლოგიური დანიშნულებით მინიჭებული სიხშირის განმეორებით 10 წლის ვადით მინიჭების თაობაზე.

კომისია აღნიშნავს, რომ შპს „სტერეო +“ წარმოადგენს მაუწყებლობის სფეროში ავტორიზებულ პირს, რომელსაც ავტორიზაცია გავლილი აქვს სპეციალიზებულ (გასართობ/მუსიკალურ) ტელემაუწყებლობაზე.

„მაუწყებლობის შესახებ“ საქართველოს კანონის 75-ე მუხლის მე-2 პუნქტის შესაბამისად კომისია მაუწყებელს რადიოსიხშირეებს დამხმარე ტექნოლოგიური



დანიშნულებით გამოყენებისათვის ანიჭებს მაუწყებლობის განხორციელების ვადით. მაუწყებელი (გარდა საზოგადოებრივი მაუწყებლისა და საზოგადოებრივი მაუწყებლის აჭარის ტელევიზიისა და რადიოსი) რადიოსიხშირული სპექტრის დამხმარე ტექნოლოგიური დანიშნულებით გამოყენებისათვის რადიოსიხშირული სპექტრით სარგებლობის უფლების მოსაპოვებლად იხდის რადიოსიხშირული სპექტრით სარგებლობის საფასურს.

კომისიის 2005 წლის 12 დეკემბრის №13 დადგენილებით დამტკიცებული „რადიოსიხშირული სპექტრით სარგებლობის უფლების მოსაპოვებლად აუქციონის გამართვისა და რადიოსიხშირული სპექტრით სარგებლობის საფასურის განსაზღვრის დებულების“⁷¹ მუხლის მე-4 პუნქტის შესაბამისად, მაუწყებელს (გარდა საზოგადოებრივი მაუწყებლისა და საზოგადოებრივი მაუწყებლის აჭარის ტელევიზიისა და რადიოსი), რომელსაც დამხმარე ტექნოლოგიური დანიშნულებით გამოყენებისათვის ესაჭიროება რადიოსიხშირული სპექტრი, კომისია მარტივი ადმინისტრაციული წარმოების წესით ანიჭებს რადიოსიხშირებს კომისიის გადაწყვეტილებით. ამ შემთხვევაში მაუწყებელი იხდის რადიოსიხშირული რესურსით სარგებლობის საფასურს, რომლის ოდენობა განისაზღვრება ამავე მუხლის პირველ პუნქტში მითითებული ფორმულის შესაბამისად.

კომისია აღნიშნავს, რომ რადიოსიხშირული სპექტრის მართვის დეპარტამენტის 2019 წლის 2 აპრილის №19-10-581 სამსახურებრივი ბარათის თანახმად შპს „სტერეო+“-ს ნაცვლად 2008 წლის 29 დეკემბრის №749/13 გადაწყვეტილებით მინიჭებული სიხშირისა, შესაძლებელია მიენიჭოს რადიოსიხშირე 81მჰც±4მჰც სამსახურებრივი ბარათში განსაზღვრული პირობების შესაბამისად.

კომისია ასევე, აღნიშნავს, რომ კომისიის 2005 წლის 12 დეკემბრის №13 დადგენილებით დამტკიცებული „რადიოსიხშირული სპექტრით სარგებლობის უფლების მოსაპოვებლად აუქციონის გამართვისა და რადიოსიხშირული სპექტრით სარგებლობის საფასურის განსაზღვრის დებულების“⁷¹ მუხლის პირველი პუნქტისა და რადიოსიხშირული სპექტრის მართვის დეპარტამენტის 2019 წლის 2 აპრილის №19-10-581 სამსახურებრივი ბარათში განსაზღვრული ტექნიკური პარამეტრების შესაბამისად ბაზრის ანალიზისა და სტრატეგიული განვითარების დეპარტამენტის მიერ გაანგარიშებულ იქნა რადიოსიხშირული რესურსით სარგებლობის საფასური, რომელმაც 2019 წლის 23 მაისიდან სიხშირული რესურსის ათი წლის ვადით მინიჭების შემთხვევაში შეადგინა **9339.77** ლარი.

აქედან პირველი კალენდარული წლის საფასური, რომელიც განისაზღვრება სარგებლობის უფლების გაცემიდან (23.05.19-დან) მიმდინარე წლის 31 დეკემბრის ჩათვლით პერიოდზე შეადგენს **537.77** ლარს;

მეორე კალენდარული წლის საფასური შეადგენს **880.20** ლარს;

მესამე კალენდარული წლის საფასური შეადგენს **440.10** ლარს;

მეოთხე კალენდარული წლის საფასური შეადგენს **440.10** ლარს;

მეხუთე კალენდარული წლის საფასური შეადგენს **440.10** ლარს;

მექვსე კალენდარული წლის საფასური შეადგენს **1320.30** ლარს;

მეშვიდე კალენდარული წლის საფასური შეადგენს **1320.30** ლარს;

მერვე კალენდარული წლის საფასური შეადგენს **1320.30** ლარს;

მეცხრე კალენდარული წლის საფასური შეადგენს **1320.30** ლარს;

მეათე კალენდარული წლის საფასური შეადგენს **1320.30** ლარს.

ამავე დადგენილების 7¹ მუხლის მე-6 პუნქტის თანახმად რადიოსიხშირული რესურსით სარგებლობის უფლების ერთ წელზე მეტი ვადით მოთხოვნისას პირველი კალენდარული წლის საფასურის, რომელიც განისაზღვრება სარგებლობის უფლების გაცემიდან მიმდინარე წლის 31 დეკემბრის ჩათვლით პერიოდზე, გადახდა ხორციელდება წინასწარ, ხოლო ყოველი შემდგომი წლიური საფასური, რომელიც ემთხვევა კალენდარულ წელს, ყოველი წლის დასაწყისში არაუგვიანეს 20 იანვრისა. რადიოსიხშირული რესურსით სარგებლობის საფასური ირიცხება კომისიის ბიუჯეტში.

კომისია აღნიშნავს, რომ 2019 წლის 16 აპრილს შპს „სტერეო+“-ს გაეგზავნა წერილი №გ-19-16/1382, რომლის თანახმად კომპანიას კომისიის ბიუჯეტში უნდა გადაეხადა პირველი კალენდარული წლის საფასური, რომელიც განისაზღვრება სარგებლობის უფლების გაცემიდან (23.05.19-დან) მიმდინარე წლის 31 დეკემბრის ჩათვლით პერიოდზე და შეადგენს **537.77** ლარს. წერილის თანახმად, კომპანიას თანხის გადახდა უნდა განეხორციელებინა 2019 წლის 20 მაისამდე. შპს „სტერეო+“-მა 2019 წლის 17 მაისს კომისიის ბიუჯეტში ჩარიცხა **537.77** ლარი.

კომისია აღნიშნავს, რომ 2019 წლის 23 მაისს სხდომაზე კომისიამ იმსჯელა შპს „სტერეო+“-ის წერილთან დაკავშირებით და მიზანშეწონილად მიიჩნია შპს „სტერეო+“-სთვის არაკომერციული დამხმარე ტექნოლოგიური, დანიშნულებით რადიოსარელეო სიხშირით სარგებლობის უფლების მინიჭება ათი წლის ვადით.

„მაუწყებლობის შესახებ“ საქართველოს კანონის 75-ე მუხლის მე-2 პუნქტის მე-4 პუნქტის და „რადიოსიხშირული სპექტრით ან/და ნუმერაციის რესურსით სარგებლობის უფლების მოსაპოვებლად აუქციონის გამართვის დებულების“ 7¹ მუხლის პირველი, მე-4 და მე-6 პუნქტების, საქართველოს ზოგადი ადმინისტრაციული კოდექსის VI თავის თანახმად, კომისიამ კენჭისყრის შედეგად, ერთხმად

გ ა დ ა წ ყ ვ ი ტ ა :

1. მიენიჭოს შპს „სტერეო+“-ს რადიოსიხშირული სპექტრით სარგებლობის უფლება № **F2090** შემდეგი ტექნიკური პარამეტრების შესაბამისად: რადიოსიხშირე 81მჰც±4მჰც ზოლის სიგანით 8 მჰც, ქ.თბილისში, გადაადგილების პროცესში მოძრავი ობიექტიდან ტელერეპორტაჟის სიგნალის სიხშირული სპექტრის გამოყენებით გადაცემისთვის, ეფექტური გასხივების სიმძლავრით 5 ვატი, არაკომერციული მიზნით და დამხმარე ტექნოლოგიური დანიშნულებით 2019 წლის 23 მაისიდან 2028 წლის 31 დეკემბრის ჩათვლით;

2. შპს „სტერეო+“-ს მიერ წინამდებარე გადაწყვეტილების პირველი პუნქტით განსაზღვრული რადიოსიხშირული სპექტრი გამოყენებული უნდა იქნას არაკომერციული მიზნით და დამხმარე ტექნოლოგიური დანიშნულებით შპს „სტერეო+“-ს სამაუწყებლო არხზე გადაადგილების პროცესში ტელერეპორტაჟის პირდაპირი ჩართვების განსახორციელებლად;

3. განესაზღვროს შპს „სტერეო+“-ს რადიოსიხშირული რესურსით სარგებლობის საფასური - **9339.77** (ცხრა ათას სამასოცდაცხრამეტი ლარი და სამოცდაჩვიდმეტი თეთრი) ლარის ოდენობით;

4. უზრუნველყოს შპს „სტერეო+“-მ ამ გადაწყვეტილების მე-3 პუნქტში განსაზღვრული საფასურის - **9339.77** (ცხრა ათას სამასოცდაცხრამეტი ლარი და სამოცდაჩვიდმეტი თეთრი) ლარის გადახდა შემდეგი გრაფიკის და რეკვიზიტების მიხედვით:

მიმღების დასახელება - სსიპ საქართველოს კომუნიკაციების ეროვნული კომისია;

საიდენტიფიკაციო კოდი - 204953050;

ანგარიშის IBAN – GE06 TB70 2063 6070 1000 02;

მიმღების ბანკი - სს თიბისი ბანკი;

მიმღები ბანკის კოდი - TBCBGE22;

დანიშნულება - რადიოსიხშირული რესურსით სარგებლობის საფასური არაკომერციული და დამხმარე ტექნოლოგიური დანიშნულებით ავტორიზებული/ლიცენზიის მფლობელი პირებისთვის.

მეორე კალენდარული წლის საფასური **880.20** ლარი - 2020 წლის 20 იანვრამდე;

მესამე კალენდარული წლის საფასური **440.10** ლარი - 2021 წლის 20 იანვრამდე;

მეოთხე კალენდარული წლის საფასური **440.10** ლარი - 2022 წლის 20 იანვრამდე;

მეხუთე კალენდარული წლის საფასური **440.10** ლარი - 2023 წლის 20 იანვრამდე;

მექვსე კალენდარული წლის საფასური **1320.30** ლარი - 2024 წლის 20 იანვრამდე;

მეშვიდე კალენდარული წლის საფასური **1320.30** ლარი - 2025 წლის 20 იანვრამდე;

მერვე კალენდარული წლის საფასური **1320.30** ლარი - 2026 წლის 20 იანვრამდე;

მეცხრე კალენდარული წლის საფასური **1320.30** ლარი - 2027 წლის 20 იანვრამდე;

მეათე კალენდარული წლის საფასური **1320.30** ლარი - 2028 წლის 20 იანვრამდე;

5. შპს „სტერეო+“-ს მიერ წინამდებარე გადაწყვეტილების მე-4 პუნქტით განსაზღვრული რადიოსიხშირული რესურსით სარგებლობის საფასურის გადახდის გრაფიკის დარღვევის შემთხვევაში კომისია მიიღებს კანონმდებლობით გათვალისწინებულ ზომებს;

6. საქართველოს კანონმდებლობის ცვლილების შემთხვევაში, შპს „სტერეო+“-სთვის სიხშირეების მინიჭების საკითხი შესაბამისობაში იქნას მოყვანილი საქართველოს კანონმდებლობასთან;

7. დაევალოს შპს „სტერეო+“-ს გადაწყვეტილების მიღებიდან 20 სამუშაო დღის განმავლობაში, უზრუნველყოს კომისიის რადიოელექტრონული მოწყობილობების რეესტრში, ამავე რეესტრით გათვალისწინებული ინფორმაციის ელექტრონული წესით ასახვა (ვებ მისამართი: <http://reestri.gncc.ge/>); რადიოელექტრონული მოწყობილობების რეესტრით გათვალისწინებული პარამეტრების ცვლილება რეესტრში ასახულ იქნას ცვლილების განხორციელებიდან 5 სამუშაო დღის ვადაში;

8. კონტროლი აღნიშნული გადაწყვეტილების მე-4 პუნქტის შესრულებაზე დაევალოს კომისიის აპარატის საფინანსო-საბიუჯეტო სამსახურს (ნ. დევდარიანი);

9. დაევალოს რადიოსიხშირული სპექტრის მართვის (ლ. ლაშქარავა) და ლიცენზირების, ავტორიზაციის და ნებართვების დეპარტამენტებს (მ. ქადეიშვილი) შპს „სტერეო+“-სთვის მინიჭებული სიხშირეების კომისიის უწყებრივ რეესტრში აღრიცხვა;

10. დაევალოს კომისიის ადმინისტრაციას გადაწყვეტილების დამოწმებული ასლის შპს „სტერეო+“-სთვის გაგზავნა (ნ.ჯავახიძე) და კომისიის ოფიციალურ ვებ-გვერდზე (www.gncc.ge) გამოქვეყნება (ნ. შოვნაძე);

11. აღნიშნული გადაწყვეტილება ძალაში შევიდეს შპს „სტერეო+“-სთვის ჩაბარებისთანავე;

12. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (დავით აღმაშენებლის ხეივანი, მე-12 კმ., №6) გადაწყვეტილების დამოწმებული ასლის შპს „სტერეო+“-სთვის ჩაბარებიდან 1 თვის ვადაში;

13. კონტროლი აღნიშნული გადაწყვეტილების პირველი, მე-2 და მე-7 პუნქტების შესრულებაზე დაევალოს რადიოსიხშირული სპექტრის მართვის დეპარტამენტს (ლ.ლაშქარავა);

14. კონტროლი აღნიშნული გადაწყვეტილების შესრულებაზე (გარდა პირველი, მე-2, მე-4, მე-7, მე-8, მე-10 და მე-13 პუნქტებისა) დაევალოს ლიცენზირების, ავტორიზაციის და ნებართვების დეპარტამენტს (მ. ქადეიშვილი).

მერაბ ქათამაძე



კომისიის წევრი

ვახტანგ აბაშიძე



კომისიის წევრი

ელისო ასანიძე



კომისიის წევრი

გიორგი ფრუიძე



კომისიის წევრი